

儀禮經傳內編

儀禮經傳內編卷九

姜兆錫註疏參義

士大夫投壺禮

此亦燕以為樂而因以觀德之禮周禮不載小戴禮之第四十篇實載之而大戴禮亦有

此篇按此當為儀禮經文而逸之耳故今以類而附于射禮之後云○陳氏曰此大夫士投壺之禮左傳晉侯與齊侯燕

投壺則諸侯亦有之

投壺之禮主人奉矢司射奉中使人執壺

奉，上聲。○中者盛算之器。或如鹿或如兕或如

虎或如闕或如皮樹闕如豔形一角而岐蹄皮樹亦獸各形未詳皆刻木為之上有圓圈以盛算大夫以兕士以鹿也主人

請曰某有枉矢哨壺請以樂賓賓曰子有旨酒嘉殺某既賜矣又

重以樂敢辭主人曰枉矢哨壺不足辭也敢固以請賓曰某既賜

矣又重以樂敢固辭主人曰枉矢哨壺不足辭也敢固以請賓曰

某固辭不得命敢不敬從哨，七笑反。樂音洛。○枉，材不直也。哨，口不正也。蓋謙辭。樂賓謂與賓為歡樂也。

既賜謂既受賜也燕飲酒既脫履升坐主人乃請射或投壺

本記司射庭長及冠士立者皆屬賓黨樂人及使者童子皆屬

主黨

長上聲冠去聲使如字。庭長即司正也樂人謂國子之

人樂賓者也使者及童子事人者也故屬主黨司射作人者也庭長止人者也冠士行禮者也立者觀禮者也故屬賓黨恐按此因司射奉中使人執壺而類記之也司射為賓黨所使者為主黨庭長冠士及立者皆賓黨樂人童子皆主黨也故併記之又按魯薛令弟子注賓黨主黨皆有弟子則立者乃謂賓黨之童子而使者即主黨之冠者蓋互文與學者以義推之可也

室中五扶堂上七扶庭中九扶壺頸修七寸腹修五寸口徑

三寸半容斗五升壺中實小豆焉為其矢之躍而出也矢以柘

若棘毋去其皮

扶作膚長為並去聲去上聲。籌即矢也謂矢為籌蓋以度席與壺而名與側手四指為扶廣

四寸投壺或于室或于堂或于庭地有廣狹故矢有長短室中狹故長五扶堂上廣故長七扶庭下益廣故長九扶五扶則三

尺七扶則二尺八寸九扶則三尺六寸修亦長也實以小豆取  
 其滑且堅矢柘棘取其堅且重也毋去其皮質而已矣○注曰  
 腹容斗五升三分益一則為二斗得圓圜之象積三百二十四  
 寸以腹修五寸約之所得求其圓周二尺七寸是為腹徑九寸  
 也通解曰詳記文不言壺之圍徑而惟言其高之度與容之量  
 以為相求互見之巧但記言其所容止于斗有五升而注乃以  
 二斗釋之則記之所言者圓壺之實數而注之所言乃借以方  
 體言之而算法所謂虛加之數也蓋壺為圓形斗五升為奇數  
 皆繁曲而難記故算家之術必先借方形虛加整數以定其法  
 然後四分去一以得圓形之實此注所以舍斗五升之文而直  
 以二斗為說也然其言知借而不知還知加而不知減乃于下  
 又遂并方體之所虛加以為實數又皆取全寸不計分釐遽定  
 為圓壺腹徑九寸而圍二尺七寸則為失之疏雖知其失而不  
 知其所以失是以覽者不能無疑今以算法求之積三百三十四  
 寸而以其高五寸者分之則每高一寸為廣六十四寸八分  
 此六十四寸者自為正方又取其八分者割裂而加于正分之  
 外則四面各得二釐五毫之數乃復合此六十四寸八分者五  
 為一方壺則其高五寸其廣八寸五釐而外方三尺三寸二分  
 中受二斗如注之初說矣然此方形者算術所行以為虛加之  
 數耳若欲得圓壺之實數則當就此方形規而圓之去其四角

虛加之數四分之二使六十四寸八分者但為四十八寸六分三百二十四寸者但為二百四十三寸則壺腹之高雖不減于五寸其廣雖不減于八寸五釐而其外圍則僅為二尺四寸一分五釐其中所受僅為十有五升如記之云無不諧會矣也

### 右請投

賓再拜受主人般還口梓主人阼階上拜送賓般還曰辟般盤同還旋同

辟避同○拜受謂將受矢而拜也般還梓之容也曰辟則告之使知其不敢當也

### 右送矢

已拜受矢進卽兩楹間退反位揖賓就筵卽就也兩楹間投壺之地筵投壺之席位阼階

之位也蓋賓受矢則贊者固持矢以投而主人于阼階拜而送之矣于是主人進就兩楹間以視投壺之處復反位西向揖賓以就

南向之司射進度壺間以二矢半反位設中東面執八算興度音

本無以二矢半四字○度猶量也司射于西階上執壺之處受壺因來筵前量度而置于筵之南也間猶空也投壺有三日中則于

室口晚則于堂太晚則于庭壺不計矢之長短皆使去賓主之席各二矢半計室中去席五尺堂上去席七尺庭中則去席九尺也位西階之位也度壺畢反位取中以進而設之也算即馬也始釋曰算既立曰馬賓主各四矢算如其數乃于中西東面執算而起以告于賓主也請賓曰順投為入比投不釋勝飲不勝者正爵既行請為

勝者立馬一馬從二馬三馬既立請慶多馬請主人亦如之比飲為並

去聲○順投以下八句告賓之詞也比類也釋釋算也凡投壺以矢本入者為順乃名為入而釋算又賓主要更遞而投若不待後人投而頻投則其投雖入亦不名為入而不為釋算或言入或言釋互文也正爵既行謂飲不勝者已據正禮而致其罰爵矣改算名馬者威武之意也凡投壺與射皆三番而止每番勝則立馬以表勝禮以三馬為成若勝耦未頻得三而止得二即徹取劣耦之一以從勝耦而為三凡此三馬已立因又酌酒于此多馬者以致其慶也此皆告賓之詞其告主人亦然

本記壺去席二矢半算長尺二寸多少視其坐注曰尺二寸或曰尺有握視其

坐者視坐中投壺之眾寡為數魯令弟子辭曰毋撫毋教毋借也凡投壺人四矢亦人四算

立毋踰言。僂立踰言。有常爵。薛令弟子辭曰。毋僂毋敖。毋僂。

毋踰言。若是者。浮。僂音呼。敖去聲。僂音佩。弟子謂賓黨主黨。

故戒令之。蓋魯薛意同。而文小異也。僂亦敖也。僂不正也。踰他及也。常爵謂常行之爵爵也。浮謂罰爵之滿而浮也。

右請賓

命弦者曰。請奏。狸首。閒若一。太師曰諾。閒去聲。此司射命奏樂。

大師樂官之長。命與而。專對禮也。餘並見射禮。

本記鼓。○□○○○□□○○○□半○□○○○□○

○□○魯鼓。此記魯擊鼓之節也。○□○○○□○○○□○○○□○○○

○□□□○半○□○○○□○○○薛鼓。此記薛擊鼓之節也。

者擊鼓。右圖自半以下。擊七而鼓五。此魯鼓之半。擊五而鼓三。此薛鼓之半。通半以上。擊十三而鼓十。此魯鼓之全。擊十六而





射乃跪而釋一算于地也

賓黨于右主黨于左

此因言釋算之位也亦右在司射之前稍南于左在司射之前

稍北蓋司射東面則南為右北為左與上下文左右以東西言者不同也賓黨于右即儀禮所謂上射于右主黨于左即所謂下射

卒投司射執算曰左右卒投請數二算為純一純取一算為

奇遂以奇算告句曰某賢于某若干純奇則曰奇鈞則曰左右鈞

大戴禮執下有餘字基下皆有黨字數上聲純音全奇音雞此司射告賓主之詞及其數算之法也左謂主右謂賓卒終也此始請數之詞也二算合為一純純猶全也取謂于地上取之也算不滿純為奇奇猶隻也謂執其餘算以告也此數算之法也賢猶勝也某賢于某或左賢于右或右賢于左也若干純者偶數則數以純如十算則直云五純也否則為奇如九算則云四純有奇也鈞等也左右鈞則無賢否矣此終以算告賓主之詞也

本記弟子侍投則擁矢

不敢將四矢委地拾取而悉抱擁之也此以下皆記弟子禮之異于成人也

右視算

命酌曰請行觴酌者曰諾當飲者皆跪奉觴曰賜灌勝者跪曰敬

大戴禮無首六字別云舉手曰請諸勝者之弟子為不勝者酌飲去聲奉上聲養去聲。此行罰爵之禮也酌者勝黨之弟子

也命則司射命之酌者既諾乃于西階上南面設豐洗解升酌坐而莫于豐上也灌猶飲也其不勝而當飲者跪取奉飲而曰賜灌

蓋服善而為尊敬之詞而其勝者亦跪而曰敬養則雖行罰爵而猶尊敬以答之也

本記弟子勝則洗而以請客亦如之不角弟子勝謂主黨之弟子勝也洗洗解也

不敢徑酌請而先致洗也角罰爵也。不敢用罰爵而但用常解也。客亦如之者。客之弟子待主亦如主之弟子待客也。

### 右罰爵

正爵既行請立馬馬各直其算一馬從二馬以慶慶禮曰三馬既

備請慶多馬賓主皆曰諾正爵既行請徹馬大戴禮正上有司正曰三字立上有為勝

者三字。此行慶爵之禮也直當也司射請為勝者立馬才其馬各當其初擇算之前而一馬從二馬以助勝者而為樂也馬各

直其算二句此禮家陳事之詞三馬既備二句此司射請慶馬之詞由是正爵既畢司射即請撤去其馬而飲無算爵也。鄭氏曰飲慶爵者耦親酌不使弟子無豐。

本記弟子不擢馬擢取也。已雖得二馬不敢取。尊長之一馬以慶多馬也。

### 右慶馬

諸侯投壺禮

禮闕未知與士大夫云何。同與姑採左傳備考于左。

考晉侯以齊侯晏中行穆子相以與也。穆子即荀吳。投壺晉侯先穆子曰

有酒如淮有肉如坻寡君中此為諸侯師中之淮水名坻水名高丘齊侯

舉矢曰有酒如澠有肉如林寡人中此與君代興亦中之澠水名

陵大阜伯瑕謂穆子曰子失辭吾因師諸侯矣壺何為焉其以中

儻也齊君弱吾君歸弗來矣伯瑕即士文伯也儻異也言何為假壺以祝而以中為異也即中之

不足與矣。欲與晉代興，是弱之也。按二國競雄，本無足取，然因此見投壺亦以觀德，故君臣之祝頌因之，而投壺之為禮不可廢矣。

王投壺禮禮闕亦未知與諸侯大夫士同異也王大射禮亦

是推之可也

脰膳之禮一之五

此節周禮以脰膳之禮親兄弟之國也。注曰：脰膳謂祭社稷宗廟之肉，以賜兄弟之國。

同福祿也。疏曰：鄭總云祭社稷宗廟之肉，分言之，則脰是社稷之肉，盛以脰器，故曰脰膳。祭肉也，是也。公羊穀梁則皆云生居。祖上曰脰，孰居祖上曰膳。又對文，脰為社稷膳為宗廟，其實宗廟社稷祭器皆盛飾，故掌蜃職云凡祭祀共蜃器之蜃也。愚按烹肉升俎曰膳，燒肉升俎曰膳，傳以祀戎分脰膳，蓋互見之詞，未可泥也。公殺之說亦似未安。

士相歸脰禮

說見下

大夫相歸服禮說見下

諸侯相歸服禮歸服禮亦自王下達于諸侯大夫士而相歸者乃士與士大夫與大夫及諸侯與諸侯兩

相歸遺之禮也王無偶故有下歸之禮而無相歸之禮今士大夫諸侯相歸禮皆闕錄論語及檀弓數條以備考學者類

推之可也

考論語孔子祭肉不出三日出三日不食之矣言已祭即歸孔子

子朋友之饋雖車馬非祭肉不拜言人歸胙于子乃敬而拜之也

凡歸服于尊長禮說見下

考顏淵之喪饋祥肉孔子出受之入彈琴而後食之言門人歸胙于師而

散哀乃食之也不載子之拜受者蓋師弟與朋友異禮與

家臣歸服于大夫禮說見下

大夫歸服于君禮

說見下

諸侯歸服于王禮

此皆下歸上之禮也畧見禮記少儀今按其文首當為記餘當升為經而并錄各記

考于

後六

記少儀為人祭曰致福為已祭而致膳于君子曰膳祔練曰告

此記人釋周禮都家宗人及祭僕膳夫各職之文也曰致福者為主人攝祭而歸服于主人故以致福之詞言之也曰膳者主人自為祭而歸服于主人祭不敢以其福加之上故但言致膳而已曰告者祔練時主人哀未忘則并不敢為詞但以祭祔告君子使其知其祔練而已君子統大夫侯王之詞此乃主人致其上若攝祭則攝者致福于主故不言致于君子也注疏不審其本來而謂三句皆致于君子者蓋誤矣

凡饋告于君子其禮太牢則以羊左肩臂臠九箇少牢則以羊左肩七箇特豕則豕左肩五箇主人展之以授使者于阼階之南南

面再拜稽首送

少儀九箇七箇五箇各文在下節又再拜稽首之下今訂定之。注曰折斷分之也皆用左者右以

祭也羊豕不言臂臑省文疏曰周人尚右貴肩右肩已祭故獻左也九箇者自肩至蹄為九段也七箇五箇放此愚按言膳告于君子而不及致福益知攝者致于主人與主人致于其上之不可混矣九箇七箇五箇皆為下歸脹于上之禮祝敵者加隆而不殺故使者往反主人皆再拜稽首而其受者亦以君上故而不載拜受之文若其兩相歸遺禮當從殺主人當拜而不稽首即受者亦自拜受而不同

反命主人又再拜稽首

疏曰使還而拜主人亦當在車馬之饋矣昨階南面曲禮使人于君所

使者反主人下堂而受命是也

記周禮都宗人掌都祭祀之禮凡都祭祀致福王國

注曰都家有山川及

因國無主之祀而王子則又或立其祖王之廟其祭祀王所不與祭僕賜之禽而宗人則掌其祭禮凡祭祀皆致福于國也疏曰都謂公之人都任疆地卿之小都任縣地者家宗人掌家祭祀之禮凡祭祀致福曰家謂大夫之家也任稍地者祭僕凡祭祀王之所不與則賜之禽都家亦如

之凡祭祀致福者展而受之。展省錄也。餘見上。膳夫凡祭有致福者受

而膳之。言致福者受膳。則膳告者可知。

考左傳鄭伯享韓起孔張後至失位客笑之富子謂子產曰吾

子之恥也。韓起晉大夫孔張富子皆鄭大夫。子產曰孔張君之昆孫子孔之後

也為嗣大夫承命以使周于諸侯立于朝而祀于家喪祭有職

受賑歸賑其祭在廟已有著位世守其業而忘其所僑焉得恥

之。注曰昆兄也。孔張之祖子孔襄公兄也。受賑謂君祭賜胙于

或歸賑謂家祭歸胙于君其祭在廟謂助祭于公宮即所謂喪祭有職也。著位猶言定位。愚按周猶邇也。其祭在廟總二者而言餘見下大行人。

大夫歸賑于家臣禮。說見下。

諸侯歸賑于大夫禮。說見下。



王歸賑于大夫諸侯禮

此皆上歸下之禮也其禮並闕今採周禮春秋論孟姑備記考于左

記周禮大行人歸賑以交諸侯之福

注曰交謂或往或來也疏曰云或往或來者見君祭

歸賑于臣臣祭亦歸賑于君也賑勝本施同姓此概云諸侯者二王之後及元勳之臣亦歸之也詳見下文

考春秋魯定公十四年天王使石尙來歸賑

此明王歸賑于懿親也

僖公

二十四年宋成公如楚還入鄭鄭伯將享之問禮于皇武子

武

鄭大對曰宋先代之後也天子有事膳焉有喪拜焉者也豐厚

可也

此明王歸賑于國賓也有事謂祭也王喪答其拜猶王祭歸以膳也

僖公九年王使宰孔賜

齊侯胙曰天子有事于文武使孔賜伯舅胙

齊桓公會諸侯于葵丘而賜之也宰

官孔名也王同姓謂之伯父異姓謂之伯舅

齊侯將下拜曰且有後命天子使孔曰

以伯舅老老加勞賜一級無下拜

級階等也曲禮升階涉級是也禮當下拜賜之無下是進

也。一等對曰：天威不遠，顏咫尺，小白余敢貪天子之命，無下拜恐

也。隕越于下，以遺天子羞，敢不下拜。小白齊侯名，貪恃也。言天威

也。道羞下拜，登受。下堂拜而升堂以受也。此明王歸胙也。于元勳而凡受君胙之禮亦可知矣。論語孔子

祭于公，不宿肉。言臣得胙于公，即速頒而不敢宿也。孟子：孔子仕于魯，不用從而

祭，膳肉不至，不稅冕而行。稅脫同。言君失禮于臣，即速去而不敢留也。

賀慶之禮一之六。此即周禮以賀慶之禮，親異姓之國也。按

弟并得服膳，若異姓則惟得賀慶而已。異姓惟上公及有勳勞者服膳及之。故云以賀慶親異姓也。

### 士相賀慶禮

### 大夫相賀慶禮

諸侯相賀慶禮。賀慶之禮，下達。此以上猶士大夫諸侯各相歸服之意也。皆闕。始記禮記春秋數條如左。

餘義

見後

記郊特牲昏禮不賀人之序也

謂此為著代之常經也

曲禮賀娶妻者曰

聞子有客使某羞

言禮無可賀其賀之者惟以佐賓禮而已

檀弓晉獻文子成室張

老發焉曰美哉輪美哉奐歌于斯哭于斯聚國族于斯

獻文謚也發舊

謂發禮以賀之也前二句美其室後三句則祝其居此室而慶弔聚會世世以之也

成六年夏晉遷于新

田冬季孫行父如首賀遷也

士賀慶大夫禮

大夫賀慶諸侯禮

諸侯大夫賀慶王禮

此以上猶士大夫諸侯各歸服于上之意也皆闕姑記春秋雅詩二條如左餘

義見

後

記春秋傳齊人成郊穆叔如周聘且賀城也郊王城也詩大雅下武

受天之祜四方來賀于萬斯年不遐有佐賀朝賀也遐之言遠猶示也言四方來賀

君祜則嗣今萬年豈不永有佐佑乎蓋初不言所祜何屬而所該者亦大以至矣

### 大夫賀慶士禮

### 諸侯賀慶大夫禮

王賀慶諸侯大夫禮此以上猶王侯大夫各歸服于下之意也皆闕今記禮記二條如左餘喪見後

記玉藻士于大夫不承賀下大夫于上大夫承賀承受也士于大夫尊卑遠

故不敢受其親賀上下大夫尊卑遠故可受也有慶非君賜不賀有慶者言有喜慶則人賀之若有

故而君愛則必有君賜而後賀非是則否也詳見章義

按賀慶之禮上下達其行于王侯大夫士者蓋繁而以禮俗

通言之其間邇如生子娶婦慶節介壽之類大如命官進爵  
封國立都建廟築宮之類其上至于武成祭告登極立儲爰  
及天徵地符之類蓋又不勝詳也而茲于賀慶禮但引禮俗  
若干條者何也先王之世懷忠履信世朴風淳周衰以來上  
賀下如王賀秦時兩下相賀如諸侯賀晉虜祈楚章華之類  
猶多失之況其以下賀上又有甚焉者乎後世玉杯寶鼎至  
寶簡篇野鵲山鷄並形奏牘貢諛獻媚殆不一途而錄符典  
引之紀紛如矣茲于所引若干條外凡史載國家表賀文字  
樂不一登誠以與禮可按籍而稽而其以非禮佞陳者固廷  
論所必攢而亦堯舜其君者所不敢妄出也夫寇公猶遺憾

于陳書而李相不匿情于奏牒出蓋者蓋有以處此矣

軍禮二次二之義見前按儀禮殘闕獨軍禮一不存而周禮五官

如左學者亦  
換取之可也

### 大封之禮二之一

此即周禮大封之禮合衆也是也按封之為言謂封疆也王者受命建都首正封疆而諸

侯受王命建國置邑亦如之故封之為言又謂封建也或單以  
大封為封建諸侯者蓋失之矣軍禮凡五大師一大均二大田  
三大役四大封五今首大封而終大師者有大封而後有大  
均有大均而後有大田大役有大田大役而後有大師也

### 建王都禮

### 建侯邦禮

### 建家邑禮

諸禮多依大小戴別錄之屬自下而上而大封大均大師等皆自上始者建邦置邑當始自王畿均賦稅亦如之而征伐自天子出尤非諸侯大夫陪臣所得與焉故也定都建邦之屬其封皆名大者內而城郭朝市外而

大封

邑里溝涂上而廟社宮壇凡皆司徒司空之所營繕而民人  
之所會歸也故以大邑而或公邑有遷移私家有建設即亦  
得以下達之義該之與今其禮皆闕姑採周  
禮司徒以下各職及禹貢王制之屬記于左

記周禮大司徒掌以天下土地之圖周知九州之地域廣輪之

數辨其山林川澤丘陵墳衍原隰之名物而辨其邦國都鄙之

數制其畿疆而封溝之大司徒教官之長橫曰廣縱曰輪自山

深之也。量人掌建國之法以分地爲九州營國城郭營市朝道巷

門渠造都邑亦如之營度也。大司馬以九畿之籍施邦國之政職

方千里曰國畿其外方五百里曰侯畿又其外方五百里曰甸

畿又其外方五百里曰男畿又其外方五百里曰采畿又其外

方五百里曰衛畿又其外方五百里曰蠻畿又其外方五百里曰

夷畿又其外方五百里曰鎮畿又其外方五百里曰蕃畿

畿職方氏

及大行人皆謂之服畿者言其正地界服者言其服王事也籍謂書冊政職謂政令大行人蠻作要夷鎮蕃三者通謂之蕃國義則一也九畿之制鄭氏謂自虞夏以來周斥大封疆至于萬里歷按先儒皆議其失蓋禹貢每服五百里者每一面有五百里此周官方五百里者合兩面為五百里則六畿通國畿為九州之內地凡四千里而其外三畿又百五十里其視禹貢源成五服至于五千者僅郭五百里耳小司徒凡建邦國正其畿疆之封

正其封者將封土以

為界也封人凡封國封其四疆

小司徒正之而因以土封之也

土方氏掌土圭之法

以致日景以土地相宅而建邦國都鄙

土地土其地也相度也

大司徒

凡建邦國以土圭土其地而制其域諸公之地封疆方五百里

其食者半諸侯之地封疆方四百里諸伯之地封疆方三百里

其食者三之一諸子之地封疆方二百里諸男之地封疆方一



百里其食者四之一

土其地猶言度其地其食謂王所食也除王所食之外侯所自取反浮于公未詳豈

食者半與食三之一亦舉其大聚之詞而公侯所自取亦畧同與

凡造都鄙以其室數制之不

易之地家百畝一易之地家二百畝再易之地家三百畝

不易之地

謂歲種者一易謂間一歲一種者再易謂間二歲一種者小司徒施教法于邦國都鄙使各

以教其所治民令五家為比使之相保五比為閭使之相受四

閭為族使之相葬五族為黨使之相救五黨為州使之相燭五

州為鄉使之相賓

比猶次也近也保任受容也比相近則情相任間相信則說相容族相聚則變相助黨相

合則患相禦州相處則災相濟鄉相向則義相禮也

遂人掌以土地之圖經田野造縣鄙

形體之法五家為鄰五鄰為里四里為鄣五鄣為鄙五鄙為縣

五縣為遂皆有地域封樹之使各掌其政令刑禁

鄉以外為遂

遂與比閭族黨州鄉蓋異名同實也辨其野之土上地中地下地以頒田里上地

夫一廛田百畝萊五十畝中地夫一廛田百畝萊百畝下地夫

一廛田百畝萊二百畝餘夫各如之中地田百畝萊百畝即大司徒一易之地家二百畝

也下地田百畝萊二百畝即其再易之地家三百畝也其上地

田百畝萊五十畝與其不易之地家百畝異者成承不易之地

而言舉成數言之耳實無二制如注者之說也然則各職分掌

何也大司徒約言邑里之廣使遂人詳言夫田之多寡義各見也凡治野夫間有遂遂上有徑十夫有溝溝上有畛百夫有洫

洫上有塗千夫有澮澮上有道萬夫有川川上有路以達于畿

一井有九夫之地而云十夫百夫者包溝塗而言也達于畿者

井地之制通天下郡比分鄉遂都鄙為異制者未之考耳詳見

輯義周禮書禹貢五百里甸服百里賦納總二百里納鉅三百里納秸服

四百里粟五百里米

禾本皆全曰總刈禾牛葉曰銍去葉取穗曰積去穗取穀曰粟治粟為米曰米此分

甸服為五等也三百以內言服者賦兼有役也三百里以外則無矣

五百里侯服百里采二百里

男邦三百里諸侯

采謂卿大夫之邑男邦謂子男之邦諸侯謂公侯伯之邦不言三百以外皆諸侯也此分

侯服為三等也

五百里綏服三百里揆文教一百里奮武衛

以內三百揆度文教

以外三百里奮武衛所以嚴中外之辨也此分綏服為二等也

五百里要服三百里夷二百

里蔡

蔡猶放也服皆夷人所居俗尚慢易而其外二百里兼以放置罪人則不止居夷人矣此分要服為二等也

百荒服三百里蠻二百里

流 流徙也服皆蠻人所居俗尚蠻

人則亦不止居蠻人矣此亦分荒服為二等也

東漸于海西被于流沙朔南暨聲教訖

于四海

漸漬被覆暨及也聲謂風聲教謂教化

禮記王制天子之田方千里公侯田方百里伯七十里子男五

十里不能五十里者不合于天子附于諸侯曰附庸天子之三

公之田視公侯卿視伯大夫視子男元士視附庸此條本孟子孟子田作地

台作達又作卿視侯大夫視伯元士視子男而無公視公侯句凡四海之內九州州方千里

建百里之國三十七十之國六十五十里之國百有二十凡二

百一十國各山大澤不以封其餘以為附庸及閒田天子之縣

內方百里之國九七十里之國二十有一五十里之國六十有

三凡九十三國各山大澤不以勝其餘以祿士以為閒田凡九

州千七百七十三國天子之元士諸侯之附庸不與勝班同縣內以祿故

曰班其外以嗣故曰封天子百里之內以供官千里之內以為御御謂膳服之屬

千里之外設方伯五國以為屬屬有長十國以為連連有帥三

十國以為卒卒有正二百一十國以為州州有伯八州八伯五

十六正百六十八帥三百六十二長此言八州之伯之屬八伯所謂八命作牧也

各以其屬屬於天子之老二人分天下以為左右曰二伯老謂上公

此言天子之二伯所謂九命作伯也天子使其大夫為三監監于方伯之國國三

人方伯之國謂方伯所領之國注曰使佐方伯領諸侯也天子之縣內諸侯祿也外諸侯

嗣也嗣者嗣為諸侯也祿者如諸侯而不得嗣也千里之內曰甸千里之外曰采曰

流采曰流者甸報以外始于綏服之百里采而終于流荒服之二百里流也舊釋采為采美物以當貢說考誤

按以上諸說互異禹貢固先朝之制周禮雖元公所作然先

儒固以為草創之書尙未見之施行也况王制又漢儒于焚

書之餘率撮為之者乎竊謂禹貢五服大小相宜內外相制

道茂以加周禮制并建邑之數則實而分地建國之數已浮  
王制之建國本孟子而視公侯視伯視子男較孟子又異然  
味孟子畧而不詳之旨則皆未敢信而與周禮三公視土公  
卿視侯伯大夫視子男之制亦各相牴牾至其改天子之地  
以下各地字皆爲田字既失禹貢庶土穀土二者之別而因  
失周禮山林川澤丘陵墳衍原隰五者之地之分卽于楚蕪  
掩度山林鳩藪澤辨京陵上至町原防牧隰臯并沃衍九者  
之辨亦彌混矣各田字仍作地字爲安蓋惟穀土乃稱田而  
地則兼高下也所推九州制國千七百有奇之數乃漢儒設  
法推算如此鄭氏于王畿建國乃以三公九卿二十七大夫

及王子弟之數實之不免穿鑿而後世遂據爲九州內千八百國實封之數皆其說啟之也八伯二伯之說固合周名分  
陝及周禮八命作牧九命作伯之制而其下正卒長之數由  
千八百國而生恐亦未安三監之說蓋因周公使二叔監殷  
而遂概加于冢宰職設其監之監朱子嘗議其誤至于里之  
內以爲御則周禮王之膳服玩好之屬止取于九賦中關市  
之一條及式貢之餘財而此乃直以千里之內供之其從心  
逸志以貽誤于天下後世之主德也又豈淺哉今謹錄而詳  
論之如此考禮者亦慎取之則得矣

大均之禮二之一

此卽周禮大均之禮恤衆也是也  
均平也恐不得其平以厲民也

王國均賦禮

侯國均賦禮

禮皆關今採周禮及左氏傳孟子姑備記義于左

記周禮大司徒以土均之法辨五物九等制天下之地征以作

民職以令地貢以敘財賦以均齊天下之政

土均之法見土均職此總理之也五

物即本職五地所宜之物九等即禹貢上中下各三等之田地征者貢賦之總名也物等既辨而作以九職令以八貢九貢繳以九賦此乃所以制地征而均齊天下之政也詳見開師縣師乃分地職奠地守制地貢而頒

職事焉以為地法而待政令

地職謂若農圃地守謂若山澤牧統言之皆九職也地貢即九職

之貢頒之言布分布其職若鄉遂之吏都邑之長廣小司徒掌

建邦之教法以稽國中及四郊都鄙之夫家九比之數以辨

其貴賤老幼廢疾凡征役之施舍與其祭祀飲食喪紀之禁令



比音避施作弛。○言國中及四郊猶言掌國中而各掌其鄉掌四郊而各掌其野也都鄙兼凡公邑而言夫家猶言男女比之言次猶枝也林氏謂枝其任九職之人數也蓋稽九比之數乃法之正而辨其施舍者法外之仁辨其禁令者法外之禮也乃頒比法于六鄉之大夫使各登其鄉之衆寡六畜車輦辨其物

以歲時入其數以施政教行政令及三年大比則受邦之比要

登載也物猶名物之物施政教謂課農造士之屬行政令謂乃簡器起徒之屬大比謂大閱民物之數比要民物之簿書也乃

會萬民之卒伍而用之五人為伍五伍為兩四兩為卒五卒為

旅五旅為師五師為軍以作田役以比追胥以令貢賦會計也居則為

比間族黨州鄉出則為五兩卒旅師軍言卒伍約詞也追逐胥

同也軍旅以討罪田獵以閱衆役作以興事追胥以禦寇貢賦以供乃均土地以稽其民人而周知其數上地家七人可任者

公也。家三人中地家六人可任者二家五人下地家五人可任者家

二人凡起徒役毋過家一人以其餘為羨惟田與追胥竭作凡

國之大事致民大故致餘子任用也七口以上授以上地六口授以中地五口以下授以下地凡

用者皆不及半也美亦餘也竭盡也大事言其常大故言其變餘子謂卿大夫之衆子乃經土地而井牧

其田野九夫為井四井為邑四邑為丘四丘為甸四甸為縣四

縣為都以任地事而令貢賦凡稅歛之事井牧詳春秋傳井沃衍牧隰臯之屬自邑

至都凡一千零二十四井其制蓋以六者計數定賦非以畫形制井舊注謂為都鄙之井制者誤也其旁加治溝洫之說尤謬

乃分地職而辨其守施其職而平其政義見大司徒鄉師掌以國比

之法以時稽其夫家衆寡辨其貴賤老幼之物辨其可任者與

其施舍者掌其戒令糾禁聽其獄訟已鄉大夫掌以歲時登其

夫家之衆寡辨其可任者國中自七尺以上以及六十野自六

尺以上以及六十有五皆征之其舍者國中貴者賢者能者服

公事者老者疾者皆舍以歲時入其蓄七尺謂年二十六尺謂十五國中晚征早舍以

地近而役多野早征晚舍以地遠而役少鄉大夫掌鄉而言野者因言之耳服公事者謂府史胥徒即所謂賤者也述地多不

言賢能之屬故族師掌以邦比之法帥四閭之吏以時屬民而以國中表之

校登其族之夫家衆寡辨其貴賤老幼廢疾可任者及其六畜

車輦五家為比十家為聯五人為伍十人為聯四閭為族八閭

為聯使之相保相受刑罰慶賞相及相共以受邦職以役國事

以相葬埋不用比閭族黨州鄉之數而用十家為聯之屬者生共職役而言故與鄉法稍異猶令賦稅不用夫遂溝

血洿州之數而用四井為邑之屬也閭胥掌以歲時各數其閭之衆寡辨其施舍

數猶也數猶也載師掌以廛里任國中之地以場圃任園地以宅田士田

買田任近郊之地以官田牛田賞田牧田任遠郊之地以公邑

之田任甸地以家邑之田任稍地以小都之田任縣地以大都

之田任甸地稍去繁野離同。去國五十里為近郊百里為遠

郊二百里為甸地三百里為稍地四百里為縣地

五百里為甸地縣里居張庶也場圃登木稼植果蔬也宅田居

農士田祿士買田食在官之置官田食在官之府史胥徒也賞

田頒貸地牧田凡任地國宅無征園囿二十而一近郊十一遠

郊二十而三甸稍縣都皆無過十一惟漆林之征二十而五凡

宅不毛者有里布凡田不耕者出屋粟凡民無職事者出夫家

之征以時征其賦什一。天下之中正。國宅無征。謂官吏所居耳。

本賦。遠郊少役。都甸稍縣。益遠無役。故賦遞加重。若以役通之。則皆什一矣。至征漆林。以抑末。其餘征皆警情也。毛謂旁種桑麻。夫三為左。餘詳輯義。 則師掌國中及四郊之人民六畜之數以任其力

以待其政令以時徵其賦凡任民任農以耕事貢九穀任圃以

樹事貢草木任工以飭材事貢器物任商以市事貢貨賄任牧

以畜事貢鳥獸任嬪以女事貢布帛任衛以山事貢其物任虞

以澤事貢其物凡無職者出夫布凡庶民不畜者祭無牲不耕

者祭無盛不樹者無楨不蠶者無帛不績者無裘民畜之數小司徒以下稽

之而此任之使無曠力也八貢皆本色夫布則賦帛也九職縣不及臣妾者使以疏材自効賦則無矣無牲以下皆恥之也

師掌邦國都鄙稍甸郊里之地域而辨其夫家人民田萊之數

及其六畜車輦之稽地域謂其餘地遂人掌以歲時稽其人民

授之田野簡其兵器教之稼穡人有生耗即田有予取故稽之凡治野以下劑

致甿以田里安甿以樂昏擾甿以土宜教甿稼穡以興勸利甿

以時器勸酤以疆予任酤以土均平政。變民言酤異內外也酤者憊憊無知之貌刑等

也謂用下地家二人為率也樂昏謂樂以昏姻時器謂因時修之也疆謂條夫有力者予考予以二十五畝也土均見大司徒

及土均職以歲時登其夫家之眾寡及其六畜車輦辨其老幼廢疾

與其施舍者以頒職作事以令貢賦以令師田以起政役。野不

賢能貴賤約言與其施舍者而已遂師掌以時登其夫家之眾寡六畜車輦辨

其可任者與其施舍者經牧其田野辨其可食者周知其數而

任之以徵財征。見小司徒遂大夫掌以歲時稽其夫家之眾寡六畜

田野辨其可任者與其可施舍者以教稼穡以稽功事。功事謂女功事

鄉長○按鄉官遂皆猶鄉獨遂大夫縣正則不如鄉大夫縣正

州長之典賢能而以考功事為重者以國野異地故也各掌其縣之政令徵比以頒田里以分職事。鄙師職視遂大夫加以徵比親民故

也。鄴長掌以時校登其夫家比其家寡若歲時簡器與有司數

之凡歲時之戒令皆聽之趨其耕耨稽其女功趨促同猶族師也里宰

掌比其邑之衆寡與其六畜兵器治其政令以歲時合耦于耨

以治稼穡趨其耕耨行其秩敘以待有司之政令而徵歛其財

賦猶閭胥也秩敘謂耦之次第旅師凡新阡之治皆聽之使無征役以地之

媿惡為之等無征役謂復其身也稍人掌令丘乘之政令四丘為甸

共出車一乘故各丘均人掌均地政均地守均地職均人民牛

乘政令簡閱之政令均人掌均地政均地守均地職均人民牛

馬之力政人民任力作牛馬非旅任轉輸也凡均力政以歲上下豐年則公旬

用三日中年旬用二日無年旬用一日凶札則無力政無財賦

凶札凶荒且疾疫也大均者以民物

有登耗也土均掌平土地之政以均地守以均地事以均地貢以和

邦國都鄙之政令刑禁與其施舍見大小司徒及均人職和調也大司馬凡命

賦以地與民制之上地食者三之二其民可用者家三人中地

食者半可用者一家五人下地食者三之一可用者家二人其定

賦如此若致役則遂以下刑致社也黃氏曰軍賦小司徒命大司徒又命者小司徒掌民事通于軍賦大司馬掌軍賦必審其所出也言凡鄉遂達于都鄙矣

王制公田藉而不稅市廛而不稅關譏而不征山林川澤以時

入而不禁圭田無從此言賦也用力之力歲不過三日此言役也

國語季康子欲以田賦使冉有訪于仲尼仲尼曰丘勿識也三

發卒曰子為國老待子而行若之何不言季氏欲加賦三發問不告固拒之久而未



不悟孔子不對而私于冉有曰求汝不聞乎先王制土藉田以

力而底其遠近賦里以入而量其有無任力以夫而議其老幼

平遠近其中為公田也一謂近郊遠郊之屬有等差也量有無

國宅無征屋二十一也議老幼國自七尺以上至六十野自六

尺以上至六十有五乃征也于是乎鰥寡孤疾有軍旅之出則征之無則已

軍旅不得已也其歲收田一井稷禾缶米秉芻不是過也先王

凡征則無矣以爲足言樊民雖田稅猶減也君子之行也必度于禮施取其

厚事舉其中歛從其薄若是其以丘亦足矣不度于禮則雖以

田賦將又不足又何訪焉左傳無先王以為足以上諸文而將

法則有周公之典在若苟而行又何訪焉按此條乃加州賦  
以足用初非增車甲以足兵白注家模糊其間而或乃以財賦  
為兵賦且謂以一井田而欲出四丘十六井之賦也則失甚矣  
考春秋成元年作丘甲襄十一年作三軍昭五年舍中軍是皆

兵賦也。宣十五年，初稅畝。及此，哀十二年，用田賦。是皆財賦也。其時哀公問有若年饑及孔子責冉求聚斂事，皆相因。此條藉田以下及稷禾缶米秉剝之屬，其指財賦甚明。藉田賦重，任力三段，正言賦之定制也。蠲寡以下，則見先王于定賦猶免且減，而共有增者，固必無之矣。其云以丘亦可者，作軍舍軍，皆病乎上，而稅畝丘甲田賦皆病乎下，由宣初稅畝而成。又作丘甲，而哀又用田賦，故承丘甲而言之，非以此賦為兵賦也。且以丘亦可云者，指成公丘甲之變制，非指元公丘甲之本制。蓋理不足而始可之詞耳。若指一丘十六井之定制言之，則所謂行而法有周公之典在也，而又何亦可矣之足云哉。諸家未探其本末，解釋有誤，故謹考而定之。

孟子夏后氏五十而貢，殷人七十而助，周人百畝而徹，其實皆什一也。徹者徹也，助者藉也。義詳集註公羊傳什一天子之中正也。

多于什一，大桀小桀；寡乎什一，大貉小貉；什一行而頌聲作矣。桀紂之失天下也，以其多于什一也。白圭欲二十而取二，孟子曰子之道，貉道也，以其少于什一也。

大田之禮二之三

此即周禮大田之禮簡衆也。是也。簡閱也。簡閱而練習之也。

里社田禮

大田禮亦自王下達。蓋王侯以及里黨皆有之。而里社田禮則鄉民爲春秋祭社而田且亦因以講

武者也。禮闕今採郊特牲記于左。按軍禮五大封大均大。師諸禮皆起自上而大田大役則始自下者。古者兵出于農。凡鄉遂都鄙之民皆兵。鄉大夫士之職皆將其田役。乃簡衆任衆之禮非大封大均大師比故始自下也。

記禮記郊特牲惟爲社事畢出里惟爲社田國人畢作

畢盡也。一里中。

每家一人盡出供祭事也。畢作猶言畢出自州社而言州各有社。微禽以祭里人皆出故言畢出里而自大夫以下成群置社。以及諸侯之國社侯社天子之大社王社凡其爲祭以儼則固國之中里人皆出矣故言國人皆作也。

大夫以下社田禮

說見下。

國社田禮

說見下。

大社田禮

按王大社微禽以祭而國之大夫以下及鄉遂之。史從之。侯國亦然則言王大社諸侯國社之田而

王之大社諸侯之侯社具其中卽大夫以下之置社鄉之州社遂之縣社皆具其中矣故王侯因社而田凡公卿大夫士與卿遂之吏率其里民以田亦並得分舍以祭享是卽置社里社之田也而大社國社之外乃先列里社置社二者則何也蓋王國侯國之卿大夫及其近國之鄉遂皆從王以田禮宜從合而其公邑之遠于國及卿大夫之有采邑者旣不得從王以田則亦當有其田之禮而其田或主以公邑之吏或主以都家之公卿大夫與王之子弟卽其所行之禮與其車旂之建金鼓之節亦自不得備而視王侯以下有遞殺者矣今禮皆闕故遞列四者之名而發其義以俟達禮者考焉

侯國時田禮

說見下

諸侯田禮

說見下

王國時田禮

說見下

王大田禮

按四時之田謂之時田春秋之社田固卽時田也而四時則備矣凡時田王侯之國皆行之王侯或

不自蒞則主之以司馬王侯自蒞則爲諸侯之田與王之大小田而其與主之以司馬者亦自分陸殺于其間矣今禮皆闕

而其見于周禮大司馬者畧可想見故升為經而彙其記義于後云

侯國師田禮說下

王國師田禮此王侯時田外特行之大禮而今闕也姑採周禮記于左餘義詳後

記周禮肆師凡師田用牲宗于社宗則為位師田注謂起大衆以田也宗遷主也

甸祝師田致禽于虞中乃屬禽及郊饁獸舍奠于祖禰乃飲禽

風聚也類聚而分之也飲禽謂以三品入于腊人也餘見四時之田禴牲禴馬皆掌其祝號禴杜  
禴為牲禴肥充為馬禴肥健也○按甸祝職言四時之田又言  
師田而注謂起大衆以田也此蓋時田外特行之大典矣然未  
明言其期也以春秋經傳推之則四時之田即傳臧備伯所請  
春蒐夏苗秋獮冬狩皆于農隙以講事者而師田乃其所請三  
年而治兵入而振旅之屬與其或出師時行之則又經所稱甲  
午治兵者也或疑治兵振旅皆見四時之田恐不得指為師田  
然考周禮治兵振旅之屬皆于每年四時之仲月分行之此乃  
三年一行或特行之而又兼行四時之諸禮則異矣周禮自甸

祝射不詳師田之禮者蓋政官多闕或別有掌抑或以諸禮互推而文不具也

大司馬中春教振旅以旗致民平列陳如戰之陳

中仲同陳陣同下夏秋冬並同

○振收也稱旅舉中而言也。注曰凡師出曰治兵入曰振旅皆習戰也疏曰春以入兵為各尚農事秋以出兵為各令嚴尚威也族即司常熊虎為旗也致者召集其下而戒令之也平猶正也列陳者列為陣也 辨鼓鐸錫鈹之用王執

路鼓諸侯執賁鼓軍將執晉鼓師帥執提旅帥執鼙卒長執鈹兩

司馬執鐸公司馬執錡以教坐作進退疾徐疏數之節

賁一作鼙將帥並去

聲長上祭數音朔。鼓鐸錫鈹鼓人職以鐸通鼓以錡節鼓以鈹止鼓是也路賁皆大也。晉猶進也王侯所執以大為名將所執以進為義凡執皆人為執之也提亦鼓各有曲柄提而擊鼓亦提類公司馬謂伍長也雖卑猶號之矣 遂以蒐田有司

表貉誓民鼓遂圍禁火弊獻禽以祭社

貉馮同春田曰蒐猶搜也焚萊而搜之也項氏謂

猶擇也春恐害物故擇而取之不殺胎不妖天不覆巢不取鷹卵是也有司謂肆師甸祝也貉者祭始為兵者之名立表以祭故名

表貉也。誓民如無千車，無自後射之類。禁謂述人守禁之地，擊鼓遂圍其節也。奠猶止也。春田，主焚萊以火止為節。虞人乃植旌，令眾獻禽也。祭社者以土方施生也。龜山楊氏曰：自黃帝立丘乘之法，以制軍政，歷世因之。至周尤詳。夫天子無事歲三田以祭祀，賓客充君之庖而已，而王乃執路鼓親臨教戰，准其坐作進退疾徐疏數，不用命者必治之。其教之若此，故其兵出無違律也。以威令素行也。平仲王氏曰：鼓人職，賁鼓以鼓軍事也。諸侯入朝，佐王田，佩不敢以枹鼓煩王，故代執之也。路鼓以享人鬼也。王田以祭祀為先，如對先王公，故執路鼓也。康侯胡氏曰：戎祀國之大事也。用民以訓軍旅，示之以武，取物以致祭享，示之以順也。然不時則害農不地，則害物。春蒐夏苗，秋獮冬狩，有常期。周甫田，斯原圖，秦共圖，有常所。若違害民物，則百姓將聞車馬之音，見羽旄之美，舉疾首蹙頰而相告也，可不謹乎。

### 右春蒐

中夏教菱舍如振旅之陳

菱音鏃舍去聲。菱舍草舍也。軍宿于野草止而已。草止宜戒夜故教之。

更撰車徒讀書契辨號名之用帥以門名縣鄙各以其名家以號

各鄉以州名野以邑名百官各象其事以辨軍之夜事其他皆如

振放撰注讀為算王氏讀如字帥去聲。羣吏謂鄉師遂人之屬

可見撰者選具之也軍各有部分選具其車甲若步卒之數也書

契謂軍實之凡要即小宰師田以簡稽者也號名謂以徽幟殺

門名未詳注謂古者上卿為軍將為營治于國門若魯東門襄仲

公也之屬家通謂采地之屬鄉謂六鄉之屬野謂六遂之屬縣鄉

有甸稍縣都四者故稱各也百官總司常之官府謂凡卿大夫士

之屬象之言表也辨別也田于日中而教芟舍則以從夜事故以

六者別之也其他皆如振旅謂執路鼓以下也。臨川王氏曰振

車徒所以具之讀書契所以聲之皆比軍事也古者書戰則目相

視故為之旌旗夜戰則聲相聞故為之號名教芟舍欲其名聲相

聞以相別而已辨號各因其宜也王與之曰此教下寨之法也休

兵偃師宿火而寢街枚而處耳無聞目無見也將聲以鼓鐸則聽

亂將招以旗物則見味于是專以號名為尚也春秋發徵曰禽

多則五穀傷故因田以捕之上以供祭下以除害故田必以時

必由禮田不以時謂之荒殺不由禮謂之暴此聖人之深戒也



遂以苗田如蒐之法車弊獻禽以享祀謂為苗除害故各如蒐

法謂絡誓鼓闐也凡田必主車徒獨夏稱車冬稱徒者各舉一以別春秋也

### 右夏苗

中秋教治兵如振旅之陳說見中森辨旗物之用王載大常諸侯載旌

軍吏載旗師都載旗鄉遂載物郊野載旒百官載旗各書其事與

其號焉其他皆如振旅大音泰書如字或作晝非說見周禮司常載猶建也軍吏即上文所謂帥猶言天

吏之吏矣百官專謂州里之百官也事即所象之事號即凡所名之名但彼識于小旗而聞以聲此表于各旗物而示以形耳

謂曰旗以一軍旅之目也春官之司常與夏官之大司馬惟王侯之所建不改其官吏則皆互變說可考乎按孤卿也師都也軍吏

也三者不同名其實皆孤卿而已在朝為孤卿食采則在師都有事則為軍吏故所互建迭載者旂與旗也大夫若士也州里也鄉

遂也百官也四者不同名其實皆大夫士而已鄉則有州遂則有里其官皆大夫士為之故所互建迭載者物與旗也郊野也縣鄙

也二者不同名其實皆公邑之吏而已鄉遂與采邑之餘地謂之公邑王制謂之間田自其地計之曰郊野自天子使吏治之曰縣鄙故所互建而載者旒也蓋王畿內官吏之衆有三節朝之孤卿鄉遂之大夫士及公邑間田之羣吏是也民于每歲治兵大閱習安其教一有軍事仰其旗識其人安得不如子弟之衛父兄手足之捍頭面耶愚按二職所建所載之互異諸儒多疑其說獨鄭氏此條所云互建迭載爲得之夫其云互建迭載者何也是當以無事建旒物有事建旗幟者參之而後其義可識也蓋師都鄉遂有定地孤卿大夫士亦有定位也而孤卿大夫士散于百官府師都鄉遂郊野數者之中則無定名也其在時田或爲軍吏之屬而習兵戎又或不爲軍吏之屬而掌則法令又無定職也如司常職稱師都建旗州里建旗矣而此則稱師都建旒鄉遂載物者即師都中之孤卿鄉遂中之大夫士無田事而主法令者也故此不更言孤卿大夫士也又如司常職無軍吏百官而今稱軍吏載旗百官載旒者軍吏百官即師都若州里之有田事而習兵戎者也非司常無軍吏百官也司馬之郊野即司常之縣鄙皆稱載旒者凡公邑之吏即以鄉遂法治之也大閱禮較大然第簡修其法而已故建旒物之孤卿大夫士序于師都縣鄙諸建旒物之上若治兵則象出兵故特舉建旗之軍吏于建旒物與建旒物之前也三職所建之互文起義如此而或疑其兵事之變甚或疑其文誤也何

哉遂以獮田如蒐田之法羅弊致禽以祀祊獮先上聲祊音方。獮殺也以殺命名順

秋氣也羅獸人所謂罟也春焚萊明不用罟逸之也其餘皆用矣舉于秋為獮也致者甸視所謂致禽于虞中也惟秋冬物盛故先致而後獻以祀祊者祭四方以報成萬物也

右秋獮

中冬教大閱前期羣吏戒眾庶修戰法虞人萊所田之野為表百

步則一為三表又五十步為一表田之日司馬建旗于後表之中

羣吏以旗物鼓鐸錫鏡各帥其民而致質明旗弊誅後至者乃陳

車徒如戰之陳陳車之陳平聲下同。閱簡閱也冬農隙故大閱兵而習戰備也羣吏見仲夏除萊謂之萊猶祭義

刈草謂之萊後表謂所立四表之北表也前三表凡二百步通後表凡二百五十步不言其左右當容各民徒也後表之中者謂懸

旗當其中央也致者大司馬以旗致民而此致之也弊什誅責也旗既什而後至則為慢令也皆坐羣吏聽誓于

陳前斬牲以左右徇陳曰不用命者斬之

陳陣同。皆坐為司徒將誓也。見月令。狗說文。

謂行示也。左右即表之左右。小子職所謂斬牲以左右徇是也。中軍以鼙令鼓。鼓人皆三鼓。司馬

振鐸。羣吏作旗。車徒皆作鼓。行鳴鑼。車徒皆行。及表乃止。三鼓。攬

鐸。羣吏攬旗。車徒皆坐。又三鼓。振鐸。作旗。車徒皆作鼓。進鳴鑼。車

驟。徒趨。及表乃止。坐作如初。乃鼓。車馳。徒走。及表乃止。鼓戒。三闕

車。三發。徒三刺。乃鼓。退。鳴鑿。且却。及表乃止。坐作如初。

攬音鹿。闕音缺。中

軍謂將也。將執晉鼓。其令鼓則以小鼙也。各三鼓。謂軍將晉鼓。師帥提旅師。鼓皆各三鼓也。司馬者。兩司馬也。作猶建也。旗者。九旗之總稱。謂各建其所當建也。鳴鑼。謂伍長也。及表。謂自第一表至第二表也。攬者。掩鐸口而振之也。旗什徒坐。以息氣也。進者。行漸進也。驟若趨者。車徒漸疾也。此又自第二表至第三表也。乃鼓者。鼓急。不暇節以錮也。馳若走者。車徒益疾也。此自第三表至第四表也。不言坐作之屬。省文也。鼓戒者。聲鼓以戒眾。象攻敵也。闕止也。發者。向前也。每鼓一闕。則車一發。徒一刺。至三而止。象服

敵也軍將等擊鼓以令退與進之鼓同卒長鳴鈔以止鼓與進之  
錫異却者回身而退象旋師也此自第四表通退至第一表其坐  
作通如前  
統言之也

遂以狩田以旌為左右和之門羣吏各帥其車徒以敘  
和出左右陳車徒有司平之旗居卒間以分地前後有屯百步有

司巡其前後險野人為主易野車為主既陳乃設驅逆之車有司

表貉于陳前中軍以鼙令鼓鼓人皆三鼓羣司馬振鐸車徒皆作

遂鼓行徒銜枚而進大獸公之小禽私之獲者取左耳及所弊鼓

皆駭車徒皆譟徒乃弊致禽饁獸于郊入獻禽以享烝分去聲駭

同饁音暉。冬田曰狩言守而取之無所逸也軍門謂之和者交

兩旌于左右如相和然取師克在和之義也敘秩也有司亦謂鄉

師遂師也平正也使殺于門以出然後左右陳列而居門以正陳

也旗謂各所載之旗也主者居前為主也以旗分部其屯前後相

去各百步而又巡而察之使險地則卒居前為警備而平原則車

居前為營衛也驅者驅出禽獸使之可獲逆者逆徵禽獸使之不

逐羣司馬卽兩司馬銜杖以止喧也納官爲公自取爲私取左耳  
以計數于公也所弊者所當止之虞鼓疾曰駭衆驩爲謀策愷樂  
之意也致而饋郊亦見甸祝冬物較盛故又饋薦羣兆也然冬祭  
各四時皆祭先獨冬夏舉之者陰陽所始萬物之本也疏曰羣  
吏戒修謂鄉師四時之田前期出田法于州里簡其鼓鐸旗物兵  
器修其卒伍其下若州長作民帥而致之掌其戒令賞罰黨正作  
民以其法治其政事族師作民合其卒伍簡其兵器以鼓鐸旗物  
帥而至皆是也王氏曰前期旣戒衆庶矣又後至焉非不教而誅  
者也軍法後期者斬此方致民誅之而已以下文言不用命者斬  
知此言誅未遂以死寃之也李氏曰兵者不祥之器不得已而用  
之若無故而習是習殺人也非示天下不復用兵之意也故用蒐  
苗獮狩而教焉鳥獸魚鼈皆函血氣若無故而殺之是暴殄天物  
作禽荒也故又因社禘祫烝而行焉明非好兵爲田也非好田爲  
祭也聖人之動其慎如此南軒張子曰孟子曰有人曰我善爲陳  
我善爲戰大罪也而大司馬有教戰之法何也先王制兵仁政之  
大所以禁暴止亂而救民之生也明其節制一其號令使之服習  
而其本則出于仁義是以無敵于天下而與徒好戰者異也若弛  
兵名傷以爲好仁此與十不仁之甚也是爲知孟子之意哉黃氏  
曰以兵寄農以教兵寄蒐狩其赴田役也猶其在比閭其赴勦也  
猶其在田役聲音服容之屬無不相識雖有不測之變趨之戰其

與平時一而已  
孰謂危事乎

### 右冬狩

記周禮迹人掌邦田之地政為之厲禁而守之凡田獵者受令

焉遮列曰厲有遮列則厲而難犯矣令謂令以期與地也山虞掌山林之政令物為之厲

而為之守禁若大田獵則萊山田之野除萊曰萊以便教戰也澤虞掌國

澤之政令為之厲禁若大田獵則萊澤野猶山也○大司徒大軍

旅大田役以旗致萬民而治其徒庶之政令帛畫熊虎曰旗致猶司馬致民之致

蓋致之旗下而後致于司馬若司容也小司徒小軍旅田役治其政令不言致省文或曰亦

大司徒鄉師凡四時之田前期出田法于州里簡其鼓鐸旗物

致之矣兵器修其卒伍以司徒之大旗致衆庶而陳之以旗物辨鄉邑

而治其政令刑禁巡其前後之屯而戮其犯命者斷其爭禽之

訟修治也辨以旗物使各從其旗所屬也屯之言聚前後其部也州長若國作民而師田行役

則帥而致之掌其戒令與其賞罰帥致且治也黨正凡國作民而師

田行役則以其法治其政事治而不帥致也族師若作民而師田行役

則合其卒伍簡其兵器以鼓鐸旌物帥而至帥致而不治也按以上職尊者致

其至而職卑者帥而致之又尊者以致兼治之而卑者帥則不治治則不帥遂人以下並放此遂人凡事致野

役而師田作野民帥而率其治徒故親帥而至若野

役則遂人帥致徒故親帥而至若野遂師軍旅田獵平野民掌其禁令比敘其事

而賞罰比猶次也縣正若將用野民師田行役則帥而至治其

政令猶州長也鄙師凡作民則掌其戒令猶黨正也鄉長若作其民而用

口豐



之則以旗鼓兵革帥而至猶族帥也縣師若將有軍旅田役之戒則

受法于司馬以作其衆庶及馬牛車輦會其車人之卒伍使皆

備旗鼓兵器以帥而至獨受法于司馬者異鄉遠也稍人若有師田行役之

事則以縣師之法作其同徒輦輦帥而以至以聽于司馬法以縣師

者稍人掌都家之丘乘之政令亦不屬于司徒也牛人凡軍旅田役共其兵車之牛以

載公任器前曰牽旁曰傍公任器謂公家任用之器巾車木路前樊鵠纓建大麾以

田前讀如緇翦之翦沒黑色也馬無勒以翦色飾韋為樊以鵠色飾韋為纓也大麾色玄夏旗各用以田也司弓矢

田弋充籛箠矢共矰矢總時曰籛分佩曰箠矰矢不將用乃供也鼓人掌教

六鼓四金之音聲以和軍旅以正田役按六鼓謂神祀以雷鼓社祭以靈鼓鬼享以路

鼓軍事以鼗鼓役事以鼙鼓金奏以晉鼓四金謂和鼓以金鐃節鼓以金錒止鼓以金鏡通鼓以金鐃此軍旅田役蓋鼓用鼓

瑟二者而以四金調之也餘鼓則充祭  
用之矣鼓不言田事者田事從軍也  
凡軍旅田役夜鼓建軍

動則鼓其衆軍戒在夜擊以警衆  
大僕凡軍旅田役贊王鼓贊者

王親鼓而贊擊其餘也  
銜枚氏軍旅田役令銜枚枚如箸橫銜于口以止喧也  
甸祝

掌四時之田表貉之祝號釋奠于祖廟禴亦如之貉注讀為禴甸田同

師若田之祭名設表以貉謂之表貉奠祖廟以告事謂之釋奠  
其序先釋奠次表貉皆甸祝掌其祝號而以表貉為主故先表

貉也○田僕掌馭田路以田田路木路也  
掌仿車之政設驅逆之車佐

副也車各驅逆者驅禽使前逆禽使返也蓋  
于佐車外特設之矣或亦稱佐車者散文通  
凡田王提馬而走

諸侯晉大夫馳提者節之也晉則進之馳則承  
進之尊者安舒卑者疾速也  
獸人掌罟田獸

辨其名物罟田獸者謂網取之也辨名物者以將入于腊人若庖人也  
時田則守罟上概言凡罟獸

之事下言時田則守之也  
凡田獸者掌其政令亦統言  
田僕令獲者植旌及

獻比禽

比次也次其種物以數之也

山虞大田獺及獒田植虞旗于中致禽

而珥焉

奠止也取禽耳曰珥田既止則立虞人之旗令獲者皆致禽于其下而枝左耳以知獲數也易氏曰王親臨之

曰大田獒田植旗獸人所

謂令禽注于虞中是也澤虞大田獺及獒田植虞旌以屬禽

屬猶致也熊虎曰旗析羽曰旌

獸入及獒田令禽注于虞中

注猶致也

王制天子諸侯無事則歲三田一為乾豆二為賓客三為充君

之庖無事而不田曰不敬田不以禮曰暴天物

此言其取之以制也三田者先

神次賓次已也射自左臆達于右肩膊而死者為上殺以其貫

心死疾肉最潔美故為乾豆以祭也達于右耳本者為次殺以

其遠心死稍遲肉微次故為賓客以饗也自左股膊過于右脅

簡者為下殺以其中脅死最遲肉惡故充庖以膳也不敬者簡

祭祀畧賓客也天子不合圍諸侯不掩羣此言其取之以仁也不合不

至愈天子殺則下大綬諸侯殺則下小綬大夫殺則止佐車佐車

止則百姓田獵

緹作綏耳佳反。此言其取之以序也。緹有國虞氏之旌也。下謂弊之也。佐車謂驅世之車。

君春田不圍澤。大夫不掩羣。士不取麇卵。

此以下皆言其取之以仁也。國君亦不圍

澤。大夫亦不掩羣者。春為生乳之時故也。士不取亦如之。

獺祭魚。然後虞人入澤梁。豺祭獸

然後田獵。鳩為鷹。然後設罝羅。草木零落。然後入山林。昆蟲未

蟄。不以火田。

罝音劇。云然後者。順時也。梁絕水取魚。不麇不

反。皆不者。重傷未成物也。麇始生

卵。不殺胎。不斲天。不覆巢。

麇音迷。卯力管反。斲于表反。天鳥老反。皆不者。重傷未成物也。麇始生

卯胎未生。大漸長矣。梁統言之也。

梁傳昭八年秋。蒐于紅。因蒐狩以習武事。禮之大也。艾蘭

以為防。置旃以為蔽。門以葛覆。質以為絜。流芳握。御擊者不得

入車軌。塵馬侯蹄。拊禽旅。御者不失其馳。然後射者能中。過防

弗逐不從奔之道也

繫魚列反

面傷不獻不成禽不獻獸雖多天子

取三十焉其餘與士眾習射于射宮射而中田不得禽則得禽

田得禽射而不中則不得禽是以知古之貴仁義而賤勇力也

艾薙也蘭香草名防限也言大薙草以為防而擬蒐之地也旗

旗名以車轅為門而置旂以表之也執猶闌也質樞質也以樞

質為門闌恐傷人馬而覆以葛也流之言通也旁門旁也握所

謂四指為握凡四寸也左右兩旁去車之兩軸相通各容一握

令軍士驅入以試之若驅之而軸頭擊著門傍則不得入也車

軌塵者塵不出轍也馬侯蹄者遲速相應也拚禽旅者取禽有

序也不成禽謂小弱也取三十者上殺中殺下殺各取三十也  
或曰各取十也此條不得入以上車攻詩疏小異當以此為正  
車攻詩疏天子發然後諸侯發諸侯發然後大夫士發天子發  
抗大綏諸侯發抗小綏獻禽于其下  
發謂發矢也抗舉也天子發則舉其大綏諸侯發則舉其小綏謂既射舉此為表置旗于其中以致禽而既畢乃弊之也王制天子殺則下大綏諸侯殺則下小綏注云下謂弊

之也。谷舉始終。故戰不出頃田，不出防，不逐奔走。古之道也。頃，

頃言有不同也。所擬戰之地，猶防為所擬田之地，故皆不出其間也。奔走皆不出逐之者，亦不迫窮，不好殺之意也。

者。左傳：魯隱公將如棠觀魚者，臧僖伯諫曰：凡物不足以講大

事，其材不足以備器用，則君不舉焉。君將納民于軌物者也。儀

伯，公子強也。大事謂祀與戎。材，即皮、骨、齒、牙、骨、角、毛、羽、器用，謂法度之器也。故講事以度軌量，謂之

軌。取材以章物，采謂之物，不軌不物，謂之亂政。亂政亟行，所以

敗也。度，徒各反。亟，欺與反。度，酌也。軌，法量式也。章，明也。物，用采色也。此以下首言講大事備器用為君舉之節，而下文

乃分應。故春蒐，夏苗，秋獮，冬狩，皆于農隙以講事也。蒐，索也。擇取其不孕

者也。苗，為苗除害也。獮，殺也。順秋殺氣也。狩，圍守而取也。三年而

之無所擇也。凡此皆以講習軍事，明非無事而為之也。三年而治兵，入而振旅，歸而飲至，以數軍實，昭文章，明貴賤，辨等列，順

少長習威儀也。

言始出則治兵以往將入則整衆而還歸至則飲酒于廟也昭文章承數軍實言辨等列承明

貴賤言習威儀承順少長言凡此極言其事之大又明非徒以講事而已也此以上申講大事也。鳥獸之肉不

登于俎。皮革齒牙骨角毛羽不登于器。則公不射。古之制也。

謂以供賓祭登器謂以飾之也言登腊人玉人之屬則親之否則不親也此申備器用也。若夫山林川澤之

實器用之資。阜隸之事。官司之守。非君所及也。

阜才阜反。士臣阜。阜臣與。

臣隸言取此雜役之物用。是小臣有司之職。非諸侯所視以申不舉之義也。隱五年。國語。宣王料民于

大原。仲山父諫曰。民不可料也。

大音泰。父甫同。料數也。大原地名。夫古者不料

民而知其少多。司民協孤終。司商協各姓。司徒協旅。司寇協姦。

場。協入廩。協出是則少多死生出入往來者皆可知也。于是乎

又審之以事。王治于籍。扞于農隙。耨獲亦于籍。獮于既。丞付于

畢時是皆習民數者也。又何料焉。

夫音扶。衡息典反。注曰。協合也。無父曰孤。善死曰終。周

禮司民掌登萬民之數。自生齒以上皆書于版。司商掌賜族受姓。人始生吹律合之。定其姓名。司徒掌合師旅之衆。司寇掌詰奸。以知死刑之數。場人掌場圃之委積。廩人掌九穀出用之數。事謂因耕籍與田獵以簡知其數也。仲春既耕。曰隙。隙閒也。烝升也。孟秋升穀。晉新既升。謂仲秋也。畢時時務畢也。習簡習也。愚按協之言合。備習也。治謂耕也。籍藉俗通用。然王耕籍于千畝。取親耕之義。不取籍民之義。籍田從藉。誤文也。司商周禮無其官。注引吹律定姓名。以見其爲司商之職。而考賈誼新書及青史氏之記。則吹律定名。固大師之職也。豈大師古亦稱司商與。冬祭曰烝。而秋云既烝者。冬烝取物衆盛之義。而此烝則升而嘗之。故注訓爲升也。

不謂其少而大料之。是示少而惡事也。臨政示少

諸侯避之。治民惡事。無以賦令。

惡鳥路反。言王不謂其衆少而大料數之乎。是示以寡

少之象。且又厭惡夫耕籍講闕之事也。臨政而示以少。諸侯何以畏服。治民而惡夫事。政令何以賦布乎。愚按云惡事者。以理正之也。云示少。則以勢動之耳。理欲不並域而居。山甫蓋姑爲利導之詞與。



大役之禮二之四 此即周禮大役之禮任衆也是也任謂任而使之也

家邑工役禮

侯邦工役禮

王都工役禮 諸禮盡亡凡王侯鄉邑異同之文皆無考周禮司空職又闕而司馬職亦不完矣今採司馬司

徒文姑備記考于左餘與大田禮同者並見上

記周禮大司馬大役與慮事屬其植受其要以待攷而誅賞 慮

謀也謂司徒司空謀事而與之也植如傳華元爲植之植謂正板築之部曲者也屬會告也即傅士彌牟營成周屬役賦丈書以授帥者也要者計功程之書也屬植則知衆之多少受要則知功之上下待攷誅賞以軍法行之也 鄉師大役

則帥民徒而至治其政令既役則受州里之役要以攷司空之

辟以逆其役事 大役謂若築城濬渠治隄之類帥而至者受于州長而致于司空也既役既授役也役要謂遣

役之本數。碎法程也。逆鈞考也。司空主役。故攷其法以鈞考之也。遂人若起野役。則令各帥其

所治之民。而至以遂之大旗致之。野役即六遂之役。對邦役而言。大旗致民。見大司徒。令者

令縣正也。若師田。則遂人親帥至而不令致矣。○按役事都鄙

則縣師稍人。以司馬之法。作致衆庶。鄉則自大小司徒。鄉師以

至族師。遂則自遂人。遂師以至鄰長。遂以司徒之法。作致衆庶

大都與師田同。已見大田矣。此不具列而錄其特言役事者。于

右學者參考之可也。凡野役令致而師田帥者。事小大不同也。王制凡使民任老者之事。食壯

者之食。壯亦任老。恤其力也。老亦食壯。優其養也。

考左傳冬十一月城諸及防。書時也。事在莊公二十九年。諸防

時也。然經義實與勞民不論時。凡土功龍見而畢。務戒事也。火

不時皆書。傳據合時者而言耳。

見而致用水昏正而裁日。至而畢。見賢遍反。裁才代反。○注曰。夏正九月乃周之十一月。蒼

龍宿之角亢。晨見于東方。于時田務始畢。乃戒民以土功之事。

其月大火心星次角亢。以見乃致。築作之用。夏正十月乃周之

其月大火心星次角亢。以見乃致。築作之用。夏正十月乃周之

十二月定星昏而正中乃樹板輪而興作夏正十一月乃周之正月日南至微陽動土功乃息也 春楚令尹蔣

艾獵城沂使封人慮事以授司徒 事在宣公十一年為于委反 蔣胤即孫叔敖沂楚邑封

人掌封疆司徒掌致役 應者計所應用之役也 量功命日 命日之大小以 分財用平板

餘稱春築 分猶布也財材同謂板輪春築之屬平正稱舉也板 餘以為捕而受土故正之春以盛土而實于板輪築

具以築土故 程土物議遠邇 土物猶言土方程猶度也 畧基趾 皆舉之也 度取土之遠近而議之也

具餼糧 畧猶省也省地 度有司 度者度置有司 事三句而成不 趾以備餼糧也 以監督之也

愆于素 愆過也素謂素所慮之期 冬十一月士彌牟營成周計 也傳言叔敖之能使民也

丈數揣高卑度厚薄仍溝洫 事在昭公三十二年彌牟晉大夫 營謂城築也計以長短言仍以淺

深言城成周言仍溝洫者蓋溝深為高因城雉之長 物土方議 短高卑厚薄以為溝洫之淺深也此以上總言之也

遠邇 猶叔敖程土 量事期計徒庸 徒庸謂入功猶叔 放量功命日也 慮材用書

餼糧慮其用猶其分財用平板幹稱畚筮也書餼糧猶其畧基趾具餼糧也以令役于諸侯通謂當時

同役之侯國也屬役賦丈書以授帥而效諸劉子韓簡子臨之以為成

命屬會賦施也帥謂諸國率役之大夫也劉子王臣效致也韓子晉卿臨池也今役于諸侯而書授諸大夫總以王官國卿

蓋亦使封人授司徒之意而度有司不待言矣

大師之禮二之五此師則禮大師之禮用衆也是也至是乃云用者蓋合而恤之且簡之然後不但任之而

得用之矣故軍禮以是終也

王講閱禮說見下

司馬講閱禮說見下

諸侯講閱禮王及司馬講閱禮即大司馬所教振旅蒞舍治兵大閱之屬而諸侯講閱亦如之也已見大田

禮今又列于大師禮者平時皆因田習之此則將出師及駐師之時習之如春秋所載治兵大閱是也且大田四時分習

在師蓋或分習  
或合習皆可耳

王命討禮說見下

王親征禮

此王命卿大夫若諸侯討罪之禮周禮大司馬所謂及出師大合軍以教無辜伐有罪孟子所謂天子討而不伐諸侯伐而不討者也或王親視師則又所謂若

大師則大司馬掌其禁令及致建大常之屬者蓋亦特行之禮耳今其禮皆闕惟孔叢問軍篇頗言其禮姑參

補如左而并備記考于後覽者亦得其意焉可矣

王命將出征潔齋盛服奠于祖詔之

將子亮反詔告也

將先入軍吏從皆

北面再拜稽首而受王當階南面命投之節鉞將受王東向西面

而揖之

上受受所詔次受受所授也北面為君臣禮西面則主賓禮矣是不以臣禮御之也

乃告太社冢宰

執蜚宜于社之右南面投將將北面稽首再拜受之頒賜于軍吏

蜚時軫反頒音班○祭社之肉盛以蜚器謂之蜚左傳云戎有受蜚

將居軍中尙左士卒尙右出先

鋒入後及介冑在身雖君父不拜也

左陽也陽主生將尚之示欲安民也右陰也陰主殺卒尚

之示有死志也先鋒後及皆取禦敵之意不拜者所謂為其拜而變拜也優之也

其出也不類既克不福

所在有大山川則祈焉禱于五帝捷則報之振旅復命簡異功勤

親告廟告社而後適朝禡馬怕反。報報五帝也王親征禱上帝將出征禱五帝明等也功勤猶言功勞簡

異猶言旌別若軍敗則駟騎赴告不載囊韞天子素服哭于庫門之外

三日大夫素服哭于社亦如之亡將失城則皆哭七日天子使使

迎于軍命無請罪將結草自縛祖右肩而入駟音口業音羔韞丑亮反下使去聲。大

推載囊弓矢示不用耳敗則否示復用也囊韞也韞弓衣也素服哭蓋以喪禮行之結草所以縛也祖右而入示將刑也君命無請

罪臣猶待罪謹之至也

王將親征先期五日大史誓于祖廟擇吉齋戒告于郊及社稷宗

廟既筮獻兆于王。王使有司以特牲告社，以事而受命焉。舍奠未

帝學以受成。

大音泰舍讀作釋。帝學謂大學成謂師律也。

乃類上帝柴于郊，以出以齊

車載遷廟之主及社主，行大司馬奉之，無遷廟主則以幣帛皮圭

告于祖禰，謂之主命。

齊側皆反下同。禰乃禮反。齊車金路也。

凡行主及皮圭幣帛每

舍奠焉，而後就館。主車止于中門之外，外門之內，廟主居于道左。

社主居于道右，所經名山大川皆祭告焉。

三十里為一舍，每舍必奠，示有尊也。

及至

大史卜戰日，卜右御先期三日，有司以所征罪狀告之。史定誓

命，戰日將陳卒伍及車甲于軍門之前，有司讀誓命畢，三令之。五

申之，禱于上帝，乃致厭討。已克，史擇吉，復禱于所征之地，柴于上

帝，祭社奠祖，以告克不克，則不告也。

禱馬怕反。禘師祭名。

凡類禱用剛日。

有司簡功行賞用命加爵賜于祖犯令加刑戮于社然後振旅有

司編告捷于所有事之山川書用命則賞于祖弗用命則戮于社既至舍于國外三

日齋以特牛親格于祖禰乃入設奠以反主若主命則卒奠飲埋

于廟兩階間反社主如初迎之禮舍奠于帝學以訊馘告乃太享

禁速用備樂饗有功于祖廟舍爵策勳焉謂之飲至舍音旅廉飲皆反禮玄獲

反舍奠舍音音釋○反土反于遷廟也言埋玉則幣帛焚之矣

禦敵禮文見孔叢儒服篇本孔子商孫子高在魏會秦兵將至信陵君懼遣問祈勝之禮而子高以此告之也今

按敵至而欲以禮祈勝晒矣子高首示以命將禦敵而因以其禮告之猶不失古者致禱之意而免于本末倒置之說不

然禦敵不得其人而惟祈勝是問則王欲若之修齋誦經耳而謂聖高調言之乎所稱方色牲數亦未知果傳于何書而

發首所言及祝史告于社稷以下固皆格言也故姑參備如左而附識其意于此云



凡有敵讐先命勇謀之將禦之

緊要在此一命將本也禱神也

乃使迎于敵所

從來之方為壇祈于五帝衣服隨其方色執事從其方之數牲用

其方之牲

其方之數舊云北方七人南方九人東方十一人西方十三人未詳其義

祝史告于社稷宗

廟及邦域之名山大川

此乃以祈禱答之也

君親素服誓眾于太廟曰某不

道侵犯國境二三子尚同心比力死而守將稽首再拜受命

大音恭比

毗志反。比合也。

既誓將勒士卒陳于廟之右君立太廟之庭祝史立于

社百官各警其事御于君以俟命

陳去聲。勒部勒也。御侍也。命申命也。

乃大鼓于

廟門詔將命卒習射三發擊刺三行告廟用兵于敵也五兵備效

乃鼓而出

此以上又以誓命擊刺之屬告之皆開首命禦之意也

記周禮大司馬及師大合軍以行禁令以救無辜伐有罪若大

師則掌其戒令。涖大卜及致建大常。誅後至者。大師致以大常

凡師則致以大旗。典瑞牙璋以起軍旅。鄭司農曰：牙璋，璋球為牙也。起發也。若今銅虎符發兵矣。司右，凡軍

旅合其車之卒伍，而比其乘屬其右。右，車右也。比其馬使同力，屬其人使同心也。戎

僕掌御戎車，掌王倅車之政，正其服。副謂之倅服，謂革弁服也。犯軼如玉路

之儀，兵車之會亦如之。赴會亦如出，任之化較也。掌凡戎車之儀。上言御車

已此則通贊其儀也。巾車，革路龍勒，條纓五就，建太白以卽戎。龍驤同條，注作條。

純以革，口革路，龍勒謂以白黑雜色飾馬勒條纓，謂以條緣也。飾纓就成也。匝也。謂飾之凡五匝也。太白，殷旗名。戎車建之。

禮兵車不式。尚威也。武車綏旌，德車結旌。武車謂兵車，綏旌謂垂舒之畫飾也。德車謂乘

車結旌謂收飲之不盡飾也。前有水則載青旌，前有塵埃則載鳴鳶，前有車

騎則載飛鴻，前有士師則載虎皮，前有摯獸則載貔貅。埃鳥乘反。

謂舉于旌首以警衆也青青雀水鳥也鶯鳴則風矣車騎有行列鴻亦如之士師謂兵衆虎取其威武也纒亦盤獄善曰如虎如行前朱雀而後玄武左青龍而右白虎招搖在上急繕其怒

進退有度左右有局各司其局以四獸爲旗象天也急繕嚴飭之意招搖北斗標端星主指者

亦畫于旗也謂四旗分布又招搖旗在上爲指揮以嚴飭軍威而步伐不亂也校人凡軍事物馬而頒

之明與頒毛馬者異也毛馬齊色物馬齊力

小宗伯若大師則帥有司而立軍社奉主車有司太祝也軍社謂社主立建也主

車謂遷主奉將也曾子問曰天子以遷廟主載于車中言有尊也書曰用命賞于祖不用命戮于祖大祝大師宜

于社造于祖設軍社類上帝類告也設社不言主互文也王制天子將出征

類乎上帝宜乎社造乎禴禡于所征之地宜社祭名禴師祭名受命于祖

受成于學成成法也或曰成謀也大史大師抱天時與太師同車史官主知天道

天時蓋占天之書國語  
吾非瞽史焉知天道  
太師大師執同律以聽軍聲而知吉凶

上大師樂官即所謂瞽知  
天道者也同六同律六律

司戈盾軍旅授貳車戈盾建乘車之戈盾授虎賁及虎士戈盾

及舍設藩盾王所乘曰乘車副曰貳車其建授皆供  
車右所用也虎士虎賁之屬藩衛也司兵掌五

兵五盾各辨其物與其等以待軍事及授兵從司馬之法以頒

之及其受兵輸亦如之及其用兵亦如之五兵謂擊刺鈎斬凡  
五也五盾謂舞用建

設凡五也受兵輸旋軍而受其所輸納  
也用兵謂行軍而外凡守衛所用者軍事建車之五兵建置  
也

司弓矢凡師役頒弓弩各以其物從授車甲之儀物所謂利擊  
用之物

壺氏凡軍事懸壺以序聚椽椽柝同。椽者兩木相敲以行夜  
也象柝聚以相守故懸壺為漏以

序之使之更代為役而時刻必均也。外  
鼓人銜枚等職軍中與田役同已見大役

遣人凡師役掌其道路之委積凡委積之事巡而比之以時頒

之少曰委多曰積巡比使無侵欺時頒使無缺乏也不言田蓋師統之或曰田事暫與師役異矣下放此司市凡

師役帥賈師而從治其市政掌其賣備之事賈師司市之屬賈師凡師

役之賣備各帥其屬而嗣掌其月帥其二十肆之屬外饗

師役則掌其其獻賜脯肉之事獻謂飲獻賜謂賜賚

環人掌致師致者致其必戰之言必使勇力之士為之春秋傳楚許伯御樂伯攝叔為右以致晉師許伯曰吾聞

致師者御靡旌靡壘而還樂伯曰吾聞致師者左射以散代御執轡御下備兩掉鞅而還攝叔曰吾聞致師者右大壘折鉞執

俘而還皆行其所聞而復之是也大司馬大師及獸巡陳視事而賞罰若師有

功則左執律右秉鉞以先悻樂獻于社律以聽軍聲故為悻樂先秉鉞則示威也獻獻

也功若師不功則厭而卷土車厭也大司寇大軍旅泣戮于社書用

命質于祖不

命命戮于社

義司馬法天子之義必純取法天地而觀于先聖士庶之義必

奉于父母而正于君長故雖有明君士不先教不可用也此首言士

之當古之教民必立貴賤之倫經使不相陵德義不相踰材技

不相掩勇力不相犯故力同而意和也長丁丈反。天地先聖父母師長皆所以為教

也倫經所謂經綸天下之大古者國容不入軍軍容不入國故

德義不相踰上貴不伐之士不伐之士上之器也苟不伐則無

求無求則不爭國中聽必得其情軍旅之聽必得其宜故村

技不用掩從命為士上賞犯命為士上戮故勇力不相犯既致

教其民然後謹選而使之事極修則百官給矣教極省則民與

良矣習貫成則民體俗矣教化之至也器猶重也上賞上戮謂士從命則上賞之犯命

則上戮之也一云古士事通上加也致竭力之義省曉也此申上不踰不掩不犯之義而不陵之意亦具其中矣 古者

逐奔不遠縱綏不及不遠則難誘不及則難陷以禮為固以仁

為勝既勝之後其教可復是以君子貴之也及之言至猶盡也復者不忘之意此

又申不犯古者國容不入軍軍容不入國軍容入國則民德廢

之意也 國容入軍則民德弱故在國言文而語溫在朝恭以遜修己以

待人 不名不至不問不言難進易退在軍抗而立行遂而果

介者不拜兵車不式城上不趨危事不齒故禮與法表裏也文

與武左右也易以鼓反○行行列也趨恐駭衆也齒古者

賢王明民之德盡民之善故無廢德無簡民賞無所生罰無所

試有虞不賞不罰而民可用至德也夏賞而不罰至教也殷罰

而不賞至威也周以賞罰德衰也明則不昧盡則不遠廢棄也簡忽也生謂作而致試謂漫

而賞衰差同凶善敗以為德之差也此章言賞罰之用而冠之不賞不罰而民勸戒之至德也賞不踰時欲民

遠得為善之利也罰不遷列欲民近為不善之害也大捷不

賞上下皆不伐善上苟不伐善則不驕矣下苟不伐善必亡等

矣上下不伐善若此讓之至也大敗不誅上下皆以不善在己

上苟以不善在己必悔其過下苟以不善在己必遺其罪上下

分惡若此讓之至也亡等不以等驕人也此由上文之意也○古者戍軍三年不

與罷民之勞也上下相報若此和之至也得意則愷歌不喜也

假伯萊書答民之勞示休也與作也用也假伯未詳或曰伯當為息文訛也謂君民休息也此章



約言愛民之意。○古者以仁為本以義治之之謂正正不獲意

則權權出于戰不出于中人是故殺人安人殺之可也攻其國

愛其民攻之可也以戰止戰雖戰可也中去聲說音悅。不獲意猶言不得已也戰謂

戰伐中人謂斬獲此章承上愛民之意而極言之以見愛民之外無戰攻之道也故仁見親義見說智

見恃勇見方信見信內得愛焉所以守也外得威焉所以戰也

戰道不違時不歷民病所以愛吾民也不加喪不困凶所以愛

夫其民也冬夏不興師所以兼愛吾民也兼愛者彼此皆吾民

也故國雖大好戰必亡天下雖安忘戰必危天下既平天子大

愷春蒐秋獮諸侯春振旅秋治兵所以不忘戰也愷可亥反獮息典反。言

不忘戰以安之古者逐奔不過百步縱綏不過三舍是以明其

耳好云少哉

禮也不窮不能而哀憐傷病是以明其仁也成列而鼓是以明其信也爭義不爭利是以明其義也又能舍服是以明其勇也

知終知始是以明其智也六德以時合教以為民紀之道也自

古之政也

舍音捨。○五十里曰舍。行列也。勇不在力戰而在舍服。所謂義理之勇也。合教謂合聚其民而教之也。

六德在上而以時合教則民徧德矣。按本章先言仁義二德。繼又言知勇信以輔之為五德。未又言禮以冠之而六德備矣。

上下一德如此。此其為王者之師與。

先王之治順天之道設地之宜官民之德

正名治物立國辨職以爵分祿諸侯客懷海外來服獄弭而兵

寢聖德之治也

弭絲婢反。設猶制也。正名治物承順天道設地宜而言辨職分祿承官民德而言客懷猶言

賓服也將言討伐之義而首冠之以此則德盛化神而獄弭兵寢在是矣。猶前賞罰章之意也。其次賢王制禮

樂法度乃作五刑典甲兵以討不義巡狩省方會諸侯考不同

其有失命亂常背德者徧告于諸侯彰明有罪狩手又反同猶同風俗之同危

有功之君謂邪害正也作五刑義見下文乃告于皇天上帝日月星辰禱于后土四

海神祗山川冢社乃造于先王祗翹反造七報反所然後祭告者首神次示次鬼也

冢宰徵師于諸侯曰某國為不道征之以某年月日師至于某

國會天子正刑典兵云作五刑征伐云會正刑者唐虞以上無政官以刑統之也周始分政官刑官然諸侯觀

猶肉袒請刑于司寇也冢宰與百官布令于軍曰入罪人之地無暴神祗

無行田獵無毀土功無燔牆屋無伐林木無取六畜禾黍器械

見其老幼奉歸勿傷雖遇壯者不校勿敵敵若傷之醫藥歸之

燔音煩音許六反既詠有罪王及諸侯修正其國舉賢立明止復厥職

此以上歷言討伐之義也有虞氏戒于國中欲民體其命也夏后氏誓于

軍中欲民先成其慮也殷誓于軍門之外欲民先意以待事也

周將交刃而誓之以致民志也戒告也誓益嚴矣命謂君命事謂君事慮意志則民之慮意志

也蓋奉命承事而自揚揚甚矣夏后氏正其德也未用兵之及故其兵不雜殷

義也始用兵之及矣周力也盡用兵之及矣不雜者不以殺易德所謂神武而不

殺也此以上言戒誓也夏賞于朝戮善也殷戮于市威不善也周賞于朝

戮于市勸君子懼小人也三王彰其德一也朝直通反此言賞罰也夏

后氏曰鈞車先正也殷曰寅車先疾也周曰元戎先良也正直疾敏

言善也此言車乘也旒夏后氏玄首人之執也殷白天之義也周黃地之

道也古號勢通夏人尚天未詳或曰二句互錯玄首當為天之義天色玄也白當為人之執人色白也章夏后

氏以日月尚明也殷以虎尚威也周以龍尚文也此以上言旒章也

荀子王者之軍制將死鼓御死轡百吏死職士大夫死行列凡

謂各死其職不棄而奔也左聞鼓聲而進聞金聲而退順命為

上有功次之令不進而進猶令不退而退也其罪惟均行戶江反命即

命也言不令進而進不令退而退一不殺老弱不躡禾稼服者

不禽格者不令轉命者不獲躡踐也服謂將戰而順服者格謂

歸者禽猶釋也度謂俘也凡誅非誅其百姓也誅其亂百姓者也百姓有扞

其賊是亦賊也以故順及者生蘇及者死轉命者貢扞其賊謂

蔽也順及猶言倒戈即謂服者也蘇讀為倭向也謂相向格闕也即謂格者也貢謂獻于上此以上言征討之本乎仁義也

○王者有誅而無戰此章亦上文之意也誅討也城守不攻兵

革不擊上下相喜則慶之不屠城不潛軍不留眾師不越時不

其城不擊其兵如上下親愛則且喜矣所謂無戰也屠城謂滅之潛軍謂襲之留兵謂戍之越時謂老之也王者討罪之師豈其然乎城云屠者毀其城殲其民若屠者然故亂者樂其政不安其上欲其至也樂洛。其政其至皆謂此也其上謂彼也東征西怨侯我后也

考檀弓吳侵陳斬祀殺厲師遣出境詔使于師夫差謂行人儀

曰是夫也多言蓋嘗問焉師必有名人之稱斯師也者則謂之

何還旋同大音泰詁普鄰反使色更反。祀謂神位有屋樹者厲發病也大宰行人皆官名陳亦有大宰詔未詳或曰詔吳

太宰儀陳行人蓋互錯也夫差吳子光之子蓋何不也嘗猶試也。大宰詔曰古之侵伐者不斬

祀不殺厲不獲二毛今斯師也殺厲與其不謂之殺厲之師與

獲謂係虜之也二毛髮斑白者特言殺厲尤重也。曰反爾地歸爾子則謂之何曰君王

討敵邑之罪又矜而赦之師與其無名乎。子謂所獲人民與猶謂也始規之終又勸

也。○國語宋人弑昭公趙宣子請師于公以伐宋發令于大廟

召軍吏而戒樂正令三軍之鐘鼓必備大音泰。正長也。軍吏主師旅樂正主鐘鼓。

趙同曰國有大役不鎮撫民而備鐘鼓何也宣子曰大罪伐之

小罪憚之是後代備鐘鼓聲其罪也戰以鐸于丁寧傲其民也

襲侵密聲為整事也今宋人弑其君罪莫大焉明聲之猶恐其

不聞也吾備鐘鼓為君故也鐸音純。整音暫。為于偽反。憚畏也。整疾走貌。注曰鎮撫寧靜之意。鐘鼓警動之象。鐸于形如確頭與鼓角相和。唐尚書謂鐸于為鐸者非。整者整其無備也。為君者為欲明君道也。乃使

旁告于諸侯治兵振旅鳴鐘鼓以至于宋。○家語子路問于孔

子曰臧武仲與邾人戰于狐船遇敗焉師人多喪而無罰古之

道然與孔子曰凡謀人之軍師敗則死之謀人之國邑危則亡

道然與孔子曰凡謀人之軍師敗則死之謀人之國邑危則亡

道然與孔子曰凡謀人之軍師敗則死之謀人之國邑危則亡

之古之正也其君在焉者有詔則無誅餘音臺喪息浪反與音

飲至禮闕今節錄

義左傳入而振旅歸而飲至以數軍實昭文章明貴賤辨等列

順少長習威儀也已見

獻捷禮闕今始記

記周禮大司樂王師大獻則令奏愷樂令鋪師之屬鋪師軍大獻則

鼓其愷樂傳曰云鼓者擊鼓以節金奏也抵際愷獻奏其鐘鼓